

बच्चन के ले बाइबिल  
देत है

अलविदा  
फिरौन



द्वारा लिखत: Edward Hughes

द्वारा चित्र: Janie Forest  
Alastair Paterson

द्वारा अनुकूल: Lyn Doerksen

द्वारा अनुवाद करो गयो:

द्वारा बनाओ: Bible for Children  
[www.M1914.org](http://www.M1914.org)

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।






फिरौन बहुत  
गुस्सा मा हतो!

मूसा के माध्यम से परमेश्वर ने बाई हुकुम दौ हतो कि इस्राएली नउकरन कौ मिस्र म से बहिरारि जान देउ। लेकिन बाने बाई मना करि दौ। “उनसे अउरु कठिन कामु करबाबउ”, फिरौन ने अपने नउकरन पइ ठहिराये भै मुखियान कौ हुकुमु दौ। अब चीजइं इस्राएलियन के लै कठिन हुई गयी हती।



“अपने आप फूसु जमा करउ। अब हम जाई तुमइ नाइ दीं। लेकिन ईंटइ उत्तिअइ बनइबे हुई।” जइ सब बा फिरौन के नए हुकुम हते।



कुछ नउकरन के तीर फूसु  
जमा कन्न के लै अउरु उत्तिअइ  
ईटइ बनाउन के लै जादा समय नाइ  
हतो। इसलए कामु करवाउन वाले  
मुखिया ने उनइ साँटे से मारो।





लोगन ने अपनी जा  
परेशानी के लै मूसा  
अउरु हारून कौ दोषी  
कहो। मूसा कौ दुआ कन्न  
के लै एक जगह मिली।  
बाने कही, “हे परमेश्वर,  
तुमने अपने लोगन कौ  
कतइं नाइ बचाओ हइ  
“बउ रोउन लगो।”

परमेश्वर ने कही, “हम  
यहोबा हंइ, अउरु हम  
तुमइं निकारि के  
बहिरारि लइहीं।”



तब परमेश्वर ने मूसा अउरु  
हारून कौ फिरौन के तीर  
बापिस पठौ। जब बा  
पराक्रमी शासक ने  
परमेश्वर के सेवकन से  
परमेश्वर की तरफ से  
एकु चिन्नु मांगो,

तब हारून की छड़ी  
एक रिङ्गति भौ सांपु  
बनि गयी।





फिरौन ने हुकुमु दौ, “मेरे जादूगन्न कौ बुलाबउ” जब मिस्र के जादूगन्न ने अपनी छड़िन कौ नीचे डारो, उनकी छड़िउ सांपु बनि गयीं लेकिन हारून की छड़ी ने दुसरेन की छड़िन कौ निगलि लौ। तहूँ, फिरौन ने लोगन कौ जान से मना करि दौ।





दुसरे सबेरे कौ, मूसा अउरु हारून ने नदी के किनारे फिरौन से मिले।  
जब हारून ने अपनी छड़ी कौ बहिरारि कौ निकारो तब, परमेश्वर ने  
पानी कौ खूनु बनाई दौ। सब मछरियां मन्न लगी! लोग जा पानी कौ  
पी नाइ सकति हते!



लेकिन फिरौन ने अपने मन को पथरु करी लौ। बाने इस्राएलियन को  
मिस्र छोड़ि के जान नाइ दौ।




तब मूसा ने फिरौन से कही कि परमेश्वर के लोगन कौ जान देऊ। फिरौन ने मना करि दइ। परमेश्वर ने एक अउरु महामरी पठइ पूरो मिस्र मुढुकन से




भरि गओ। हरि घर मा, हरि कमरा मा, हिआ तक की रोटी बनाऊन बाली कठउतिन तक मा मुढुका भरि गये! “दुआ करउ की परमेश्वर मुढुकन कौ हमसे दूरि करइ, “फिरौन ने बिनती करी “अउरु कही की “हम तुमारे लोगन कौ जान दीई।” जब, मुढुका चले गये, तब फिरौन को मनु बदलि गओ। हम गुलामन कौ नाइ जान दीई।



तब परमेश्वर ने अरबन की गिनती मा छोटे कीरा, कुटकिन (जूँ) कौ पठौ। हरि आदमी अउरु जानवर के उनके काटन से खजुली हुई जाति हती। लेकिन फिरौन ने तबहूँ परमेश्वर के लोगन कौ नाइ छोड़ो।





तब परमेश्वर ने उनमा  
मक्खियाँ पठइं। परमेश्वर ने  
मिस्रिन के हराहन कौ मान्न के  
लै रोग पठए। परमेश्वर ने बड़े  
बड़े फोड़ा भेजे। लोगन ने बहुत  
जादा दुःख सहे लेकिन तहूँ  
फिरौन ने परमेश्वर को  
बिरोधु करो।





दर्द भरे फोड़न की  
बिपत्ति के बादि,  
परमेश्वर ने टिड्डियन  
के झुण्ड कौ पठौ।  
टिड्डियन ने पूरे देश  
के हरे हरे पेड़न कौ  
खाई लौ।






तब परमेश्वर ने तीन  
दिन को घोर अंधेरो  
पठौ। लेकिन जिद्दी  
फिरौन ने इस्राएलिन  
कौ नाइ छोड़ो।



परमेश्वर ने चितउनी  
दर्ई, “हम एक अउरु  
महामरी पठइहीं।  
लगभग आधी राति  
मा, आदमी अउरु  
जानवरन के पहिलउठे  
मारे जइहीं।” परमेश्वर  
ने इस्राएलिन से कही,  
अगर बइ अपने घर के  
चउखटि पइ मेमना को  
खून लगई तउ उनके  
पहिलउठे बचि जइहीं।







लगभग आधी राति कौ, एकु  
बड़ो दुःखु मिस्र मा शुरू भौ।  
मउत ने दस्तक दइ। हरि घर  
मा कम से कम एक आदमी  
की मउत भइ हती।





“हिंआ से दूरि चले जाऊ,” फिरौन ने मूसा से बिनती करी। “अपने प्रभु की सेवा के लै” जाऊ, जल्दी से, परमेश्वर के लोगन ने मिस्र की सीमा नांघी अउरु बाहरि आई गये।





परमेश्वर ने फसह की राति कौ यादि राखन के लै मूसा से कही क्योकि परमेश्वर के दूत ने इस्राएलिन के घरन से निकरो अउरु फिरौन अउरु बाके लोगन कौ मारि डारो हतो।





मिस्र मा 430 सालन के बादि, परमेश्वर के लोग अब आजाद हते। परमेश्वर दिन मा बादर अउरु राति मा आगी को खम्भा बनिके उनकी रक्षा कत्त हते।





लेकिन फिरौन ने  
इस्राएलिन के संग हिअई  
तक हारि नाइ मानी। फेर  
बउ परमेश्वर कौ भूलि  
गओ। फेरि बाने अपनो मनु  
बदल लौ। बाने सेना कौ  
जमा करिके यहूदी गुलामन  
के पीछे चलि परो।  
जल्दिअइ बाने उनइ  
चट्टानन अउरु समुद्र के  
बीच मा फसो पाओ।



मूसा ने कही, “यहोवा तुमारे लै खुदइ लड़िही” मूसा आगे पानी के किनारे पइ गओ, अउरु अपने हाथन कौ फइलाओ।



एक चमत्कार भौ।  
परमेश्वर ने पानी के  
बीच मा से रत्ता  
खोलि दइ। लोग  
सही से बाके बीच  
से पार हुई गये।



तब फिरौन की सेना के लोग लाल समुद्र मा घुसे। सिपाहिन ने सोची कि “अब हम उनइ पकरि लिहीं।” लेकिन परमेश्वर ने पानी कौ फेरि एकइ सो करि दौ। मानउ बा तागतिदार मिस्र की सेना कौ समुद्र ने लील लौ। अब फिरौन ने जानि लई कि इस्राएल को परमेश्वर सबको परमेश्वर हई।





अलविदा फिरौन

परमेश्वर के वचन से बाइबिल की एक कहानी

में पायी जाती है

निर्गमन ४-१५

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः  
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

